

ԱԶԳԱՅԻՆ ՀԱՆԴԵՍ

Տարեկան հանդես տօնի Սրբոց Թարգման-
չացն մկրտց :

Ի՜նչ սրտաշարժ տեսարաններ և ինչ պիտի ըղձաւէտ ասպարէզներ չեն բա-
նար տարածեր մէկ ճշմարիտ ազգասէր
սրտի մը աչքին առջև այսպիսի գերա-
հրաշ Սրբոց տօնախմբութեան հանդէս-
ները : Ի՜նչ անօթ անուսնին հնչելու ա-
տեն՝ երբոր նորոգուին իր մտացը մէջ
անոնց անմահական յիշատակաց արժա-
նի արդիւնքն , վարքերնին կարգալու ա-
տեն՝ երբոր աչքին առջև նկարուին ա-
նոնց իր ազգին վրայ թափած քրտինք-
ներն , զանոնք յիշելու ատեն՝ երբոր մէ-
կէն դիմացը բացուի Հայաստան աշ-
խարհն ալ , որ իր երջանկութեան դա-
րուն մէջ զուարթ կը ինտայ , երբոր կ'ը-
սեմ , ազգասէր անձ մը աս ամէն անձ-
կալի յիշատակներուն մէջ ընկզմի այս-
պիսի Սրբոց տօնախմբութեան օր մը՝
ինչպէս կրնայ լուել , ինչպէս իր հայ-
րասէր սիրտը անմուռն կենալ . հար-
կաւ կը թռչի այնպիսին մտքովը իր
քաղցր հայրենեաց սահմաններն՝ ծա-
րաւած և պապական սիրտն ու հոգին
բովանդակ յագեցընելու ըղձիւք . կը
վազէ ազգին նահատակաց դամբաննե-
րուն քով՝ յորդահոս արտասուօքը համ-
բուրել զանոնք՝ ի՜նչան երախտապարտ
զգացմանց սրտին . իր քաղցր հայրե-
նեաց աստղերուն տակ մտքովը թռչե-
լով՝ իր հարցը իր՝ Վահատակացը տե-
սարաններուն մէջ կը վազէ թաղել ան-
հետացընել իր սրտին դառնութեան և
տրտմութեան մտածմունքներն , որոնք
կրնան տիրած ըլլալ ազգասէր սրտի մը
մէջ՝ այնպիսի երջանկութեան դարէ մը
զրկուած մնացած ժամանակ մը :

Ի՜հա այսպիսի մտածմունքներով լե-
ցուած մեր Սիւրբանութեան անձինքն
և աշակերտներն ալ , և մի և նոյն ճիշ-
մարիտ ազգասիրութեան մը փափաքա-

նօք , ինչպէս ուրիշ տարիներ՝ , նմանա-
պէս աս տարի ալ Սրբոց Թարգմանչաց
մեր երանելի և արդիւնաշատ հարց
տօնախմբութեան օրը՝ աստուածային
պաշտաման պարտուպատշաճ հանդէս
ներէն ետքը , փութացին Սրբոց Թարգ-
մանչաց գեղեցիկ յիշատակը և անոնց
անմուռաց արդիւնքն՝ ներբողեան գովաւ
սանական ճառով մը և այլ սրտառուչ
ոտանաւոր իմաստներով՝ նորոգել կըր-
կին անգամ իրենց սրտին մէջ . և ի
նոյն մեր ազգային եղբարքն ալ յորդո-
րելու փափաքանօք միայն՝ նոյն ներբո-
ղեանը ահաւասիկ տպագրութեամբ ալ
կը հրատարակենք , որն որ Սիւրբա-
նութեան կրտսերագոյն աշակերտաց
յառաջադէմներէն մէկն խօսեցաւ :

ՆԵՐՔԱՂ

Ի ՍՈՒՐԲ ԹԱՐԳՄԱՆԻՉՍ

Տոք ինչ գրոյոց արտադրող գրարանակալ
խնայողներն .

ԻՄԱՍՏ .

ՅԱՍՏՈՒԾԱԳԱՏԻ Հօրէք և ի պատուական
ակմբէլոցդ առեալ համարձակութիւն , աստէն ի
հանդիսի հրապարակիս չեն ինձ կամք ճառ ար-
կեալ խօսել զարանցն այնոցիկ մահկանացուաց ,
որոց երկրաւոր իմաստութեան ելեալ ի խնդիր ,
ի նա միայն զիցն հաստատեալ , ի գրուես նորա
սպառեալ մաշեցին զաւուրս կենաց իւրեանց , և
յօրհասին մերձենալ իբրեւ զտերեւ հողմավար ,
այնպէս և նորա գեղեւեալ խորհրդովք և ըղձիցն
ապաժաման , թողին զաշխարհ , զհանգիսարանն
զընդունայնութեան վաստակոյն իւրեանց և ըզ-
ջանից : Այլ արժան է ինձ աստէն յառաքինեաց
ակմբիս , հակիրճ խօսել զնոցանէ՝ որք թէպէտ մահ-
կանացու վիճակեալ բազմի՝ յանմահութիւն թեա-
կոխեցին յասպարիզի անդ ծովածուփ կենցաղոյս ,
զհրաշակերան զայն և զերկնային իմաստութիւնն
կալեալ անձանց առաջնորդ , զոր խորհրդաց երբեմն
և յԱստուծոյ իմաստանցեալն ընտրելոյ ազգին
գատաւոր , զգարանակալն աստուածեղէն աթո-
ռոց , զայն իմաստութիւն՝ որով որք վարեցանն առ-
բարձրեալն զբարեկամութիւն առաքեցին , և ըն-
թացից գարշապարացն զնա վերելո առեալ եր-

կրաւորքը երկնաւորին եղեն ժառանգ, անցաւոր ունայնութեամբ զանանցական բարեացն տոհմական շտեմարանեցին. և եթէ բանիս կամք էն աւել, գարանակալ անմահին եղեն աթոռոց՝ յաւիտենականին փառքն զմահականացուն իւրեանց գեղազարդեալ մարմին, և լուսով նորա զանգիտութեան ի բաց թօթափեալ զխաւար: Եւ արգզո՞ւ արգեօք ի մահկանացուաց անտի ածից այսր ի հանդէս պատկառելի ակմբիս, բայց եթէ... ո՞հ և վաղվազակի մտացս իմ աչք սլանան ի նուիրականն և ի տարփալին ինձ գաւառ, ուր հանգչին ոսկերք հարցն իմոց վեհազանց, և ահա նկատեմ զՍահակ և զՄեսրոպ լցեալս երկնային իմաստութեամբ, և սքանչելի պարգևովն ճոխացեալք, որոց մատակարար և բաշխիչ է նա ինքն բարձրեալն: Ապա ուրեմն թոյլ տուք ինձ, Տեառք իմ պատուականք, թոյլ տուք ինձ յառաւելութիւն սիրոյս առ նոսա բանս ինչ բարբառել գովութեց, թէպէտ և համբռն իսկ երկրաւորացն չթանց ներբողենի, թող թէ իմոցս, անկարօտս զնոսա գիտիցեմ. զի սոքա արդարեւ վաճառականք վեհազանք որք զարգասիս իմաստից ի տաճարէ անտի բարձեալ իմաստութեան, և ածեալ բերին յաշխարհ հայաստան, և այլով իմն կերպարանաւ զնա պճնեցին. սոքա եղեն վարժապետք վեհազանք, որովք զգեցաւ հայաստան զհանդերձ գիտութեան և հանձնարոյ, պետք և առաջնորդք հայկեան գրպրութեան և ճառագայթ աստուածապարգև լուսոյն, որք փարատեալ ի բաց վանեցին ի մէջ զաղջամուղ և զթանձրամած խաւար ագիտութեան: Հայպա, որք ի խրախոյս և ի քաջալեր աղկաղկ հասակիս յօժար սրտիւ ի սերկեանս առուր այսր խմբեալք կայք, շնորհեցէք ինձ գամ մի զձերդ ներողամիտ ունկնդրութիւն:

Գերագոյնքան զամենայն պարգևս արարածականի բնութեանս պատշաճական զհանձնարոյն համարել արժան է զձոն, որով զտկարութիւնս մեր աստուածեղէն իւրոյ բնութեն հաղորդակից կարգէր՝ որ զանկերպարանն ի ձեռս առեալ ըզհօղ շունչ ի նա ազգէր վեհապետական, և ի չքնչոյ անտի երկրորդ մոմ աստուած ի մէջ արձանանայր տէր և իշխան արարածոց, և միայն նմա ի հարկի կացեալ որ զնա յօշնութենէ ի կերպարանս և ի լինելութիւն առեալ ածէր: Հանձնարոյն արգասիք էին և իմաստութիւն, վեհադոյնն այն առաջնորդ մարգկութեան և մեծարոյ յաջս ամենայն ազգաց, որք թէպէտ ի խաւարի գանդաչելով մոռացան զՎաստուած, և արտարածոց գործոց ձեռաց իւրեանց պաշտօն հարկանէին, այլ պատուական միշտ զպարգևս զայս իմաստութեան համարեցան, մինչև բազմաց ի նոցանէ մտադիւրութեամբ մերկանալ յամենայն աշխարհային բարեաց, թողուլ զփառս և զպատիւ, իմաստնոյ և իմաստասիրի անուանն լոկոյ ցանկանալով. վասն որոյ թէպէտ և թափուր ի կարգաց բարեպաշտու-

թեան, այլ ոչ ամենեկին տնհետացեալ բառնային ի նոցանէ օրէնք բաղաբախտք, և վարչութիւնք աշխարհականք. մանաւանդ թէ որ առաւել իմն փութով գայր զնովաւ, նա լինէր օրինադիր և հրամանահան այլոց: Եւ եթէ երկրաւորս այս այսչափ մեծարոյ յաջս մարգկան լինէր իմաստութիւն, քանի՞ն առաւել երկնաւորն, զորոյ աւանդ ոչ ծանեան նոքա զարժանիս, և զմեծութեան նորա տգիտացան առնուլ զչափ. ոչ կարելով ամենեկին կալ ի վերայ՝ զի եթէ աստուածայինն՝ մարգկեղէն իմաստութեան չիցէ սատար, կորուստ անհնարին և մահ անհրաժեշտ կայ մնայ նմա: Ապա ուրեմն իմաստուն գործեցին որք զճշմարիտն իմաստութիւն կալան անձանց առաջնորդ, իմաստուն գործեցին՝ որոց արարք՝ երկրաւորք իմն թուին յաջս մարգկան, այլ նպատակ և կնիք գործոցն երկինք են և անմահութիւն. իմաստուն գործեցին, ո՞հ, իմաստնագոյն ևս գործեցին հարց հայրենեաց մերոց Սահակ և Մեսրոպ, որք նախ զանձինս և ապա զբազումս ի մարգկանէ յաստուածազարդ իմաստութեանն ածին ի տաճար ցանկալի. քանզի որ միանգամ տեղեկագոյն քննութեամբ և ճշմարիտ խելամոռութեամբ զջանից նոցա և զվաստակոց ըզչափ առեալ իցէ, իրաւամբք զնոցանէ՝ զմեծի առն, և յարգասիս քրտանց նոցա վայելով, զՄովսիս խորոնեցւոյ, ճշգրտեալ զբանս տեսանիցէ, և թէ “Մահականացու ծնեալ և անմահական թողին յիշատակ”, Սահակ ծնունդ Գարթնապեան, գիւցազանցն հնոց զաւակ արժանաւոր և պայազատ արեանն Գրիգորի, յանտիական սիրոյն երեւեցուցանէր յանձին զարգասիս ամենախնամ պարգևաց բարձրելոյն. մանուկ մտաւարժ յորժամ սիրոյն աչք ի հայրենականն ականարկէր երկիր, խրախանայր հոգւով մինչդեռ զնախնոյն իւրոյ զմեծին Գրիգորի ոչ յուժնալտս ինչ և սնավաստակ զբորտունն տեսանէր հեղեալ, այլ և միանգամայն սրտաբեկեալ վշտանայր՝ գիտելով չափ եթէ ագիտութիւն գարանակալ է հաւատոց և եղծիչ կարգացն բարեպաշտութեան: Կոյն իղձք և նմանօրինակ ցաւք վշտաց էին և երանելոյ առնն Մեսրոպ պոյ. զննդութեան և զտրամալիր ցաւոց միանգամայն յաջացն զարտասուս հեղուլ: Որպէս որ զի ըմբռամարտ հանգերձեալ իցէ երանել ակոյեան՝ մինչ չև յասպարէզն մուտ գտետո՛ւ մտադիւրութեամբ ճգնիյի վարժել զանձն ի հրահանգս քաջութեան, զի մի փոխանակ պատկացն զամօթ Ժառանգեսցէ, այսպէս և երանելիքն Սահակ և Մեսրոպ մինչ չև ձեռնամուխ ի գործն լեալ՝ զինուղարդու զանձինս կազմին. գորականք վեհազանք, քաջալերս միմեանց կարգացեալ և մտանէին կամակար յասպարէզ քրտանց և վաստակոց, զինեցան արութեամբ սրտի, և գիմագրաւ յանձն առին մարտնչել ընդդէմ զինուց ծանրաբեռն վաստակոց և բազին, թիկունս անձանց զՎաստուած կարգաւ լով ի բարձանց: Օրհնեալ են քրտունք ձեր, և երանեալ գործք ձեռաց ձերոց. ջանիցդ ձերոց և

վաստակոց հանդիսադիր 'ի մէջ անցեալ կան երկինք և երկիր , և ժողովուրդդ այդ զոր տեսանէք , և զորոյ զբաղդն արտասուէք 'ի ձէնը զմտացն իւրոց զպայծառութիւն ընկալցի : Քանզի թէպէտ 'ի շինութեան էր աշխարհն մեր հայրենի , յանդորրութեան թագաւորութիւնն , այլ աւանդ , զի աղջամուղջն այն խաւարի տգիտութեան և անիմաստութեան շուրջ եկեալ՝ պատեալ պաշարեալ էր ըզնա . և քանզի տգիտութեան այս արգասիք են , զի ուրեք մուտ գործեալ՝ ընդ իւր և այլս 'ի ներքս սպրդեցուցանէ սպականագործ թշնամիս ուղղութեան հաւատոց և բարեպաշտութեան կարգաց , վասն որոյ և հայաստանեայց աշխարհ չէր զերծ 'ի կաշկանդիչ չղթայիցն , որպէս պատմութեանց մէրոց երաշխաւորեն մեզ մատենաք . քանզի աստի տգիտութեանն զնա խաւար պաշարեալ՝ այր զարամբ ելանէին և խռովս ահագինս յարուցանէին . անտի Պարսկին խրոխտս սպառնայր խորտակել զգաւազանն արքունի , և յաւեր զերկիրս գարծուցանել , 'ի սուր սուսերի մաշել զամենեւեան . և շուինդն ահաւոր մարտին յահ և յերկրւ զամենեւեան ըմբռնէր , քանզի և տակաւ բռնաւոր ձեռն պարսկական ծանրանայր 'ի վերայ աշխարհիս : Աղիտիցն այն տեսիլ ահաւոր 'ի մեծ աագնապս և 'ի վարանս տարակուսանաց զերանելան արկանէր զՍահակ և զՄեսրոպ . զի մինչդեռ նոքա իմաստուն բարեկարգութեամբ կերպարանափոխ զաշխարհն առնել ցանկային , խռով մարտամբոխ պատերազմաց՝ յիւրեանց ջանիցն զնոսա կասեցուցանէին . վասն որոյ և յարքունականացն մտադիւր մերկանային 'ի փառաց և 'ի պատուոյ , և զբարեկամացն և զընտանեաց զգոռանս արհամարհեալ՝ թողութիւն և զհայրենիս , ուր շնչեցին զշուռչ կենդանութեան , պանդխտել 'ի վայրս ամալիս , և զամենակարող ձեռնն օգնականութիւն կալեալ անձանց առաջնորդ , գիմել երթալ ուր կամբ նորա և հրամանք առաջնորդեալ ամիցեն : Քանզի Սահակ թէպէտ և հայր որդւոց և ընտանեաց , մտերմիմ նորա և բարեկամք բազումք , մոռացաւ զամենեւեան , աշխարհեալ խոյս ետ և մտադիւր յանապատս և 'ի քարայրս դադարէր : Մեսրոպ որ հանապաղ առաջի թագաւորաց ելանէր և խոսակից ընդ նոսա լինէր , և արքայական պատուով մեծարանս 'ի քաղաքացեացն ընդունէր , ատեաց անձն նորա զամենայն փառս աշխարհի , և ընթանայր յանապատս անմարդիս . և այսպէս աւուրքն երկրորդ Սահակ և Մեսրոպ դասս աշակերտաց դումարեալ , հանապաղ խորաղնաղգեացք , երկաթապատք և բոկագնաց լինէին , զտիւ և զգիշեր աղօթիւք հանէին 'ի գլուխ :

Ետես բարձրեալն և լսելի եղեն նմա մշտնջենա մուռնչ հայցուածք երանելեացն , որովք զաշխարհիս զպայծառութիւն հանապաղ տենչանօք խընդրէին 'ի տեառնէ . ակնարկեաց միանգամ գլխաւոր աջօքն 'ի հայաստան , և բարկութիւն նորա զիջաւ 'ի հաշտութիւն . կոչեաց զՍահակ , և նմա յանձն

տրար զհոգ և զննամա աշխարհին , զնա ընտրեաց առաջնորդ ժողովրդեանս , որպէս երբեմն Խորայեւեան բանակին զՄովսէս . և զոր օրինակ նմա զԱհարոն , նոյնպէս և զՄեսրոպ Սահակայ ցուցանէր ձեռնառու , հանել կամելով զնորա Խորայեւ ըզտունն Թորգոմայ յեգիպտական խաւար տգիտութեան : Ոչինչ ընդդէմ դառնայր աստուածեղէն հրամանաց Խահակ . էջ յանապատէն , և եկն յերկիր հայրենի 'ի հայաստան աշխարհ , և տեսանէր անդ խաղաղութիւն համատարած . քանզի գաւազանն արքունի վերստին կանգնեալ , ապիրառն խոսորով մերժեալ յարքունական գահոյիցն և 'ի փառաց , և Վառմշապուհ բարեացապարտ և խաղաղասէր թագաւորն բազմեալ յաթոռ իշխանութեան . նա 'ի թագաւորական , և Սահակ 'ի հայրապետական բազմէր աթոռ , յաթոռն զոր ստացաւ Գրիգորիոս պարգև Աստուծոյ և հայաստանեայց՝ բազմապատիկ վաստակօք , և արեամբ չափ ընդ նենգաւոր անօրէնութեան պատերազմելով . յաթոռն՝ զոր Վրթանայ և Ռատակեայ ներկեցին արգասաբեր արիւնք , և որ զՄեծին Կերսիսի ոչ զքրտունս միայն՝ այլ և զընչն յափշտակէր բարերար : Եւ այնուհետեւ էր տեսանել զՍահակ հայր հայաստանեայց , պատկեր և նկարագիր առաքինութեան և կանոն ուղղութեան , հրահանգիչ աշխարհի մանկուտն 'ի հաւատս ճշմարիտ կրօնից և վարժապետ գիտութեան : Եւսպուշ հարեալ ընդարմանայր և ինքն հայաստան ընդ ջանս , ընդ փոյթ և ընդ վաստակս նորա . յակճիւս լեալ հիանայր և Պարսկին . պատուեաց զնա գրով առաջի արքային , յիշեաց զերախտիս նորա և շնորհապարտ գտաւ նմա , և ահա հայաստան բանայր ըզդունն իմաստութեան և ընծայութիւն պատկառանաց մոտուցանէր նմա :

Զայն իրրեւ երանելին լսէր Մեսրոպ , որ յանապատին գումար աշակերտաց արարեալ ուսուցանէր , բերկրեցաւ խնդութեամբ , զուարթացաւ յանձն իւր , տարագէմ էջ 'ի հայրենիս , և զաշխարհս 'ի վայելս բարութեան տեսեալ՝ վաղձալի ընթանայր առ երանելին Սահակ , արտասուք յաչա՝ այնպէս զնմանէ գոհանայր , զաշխարհն բովանդակ կերպարանափոխ տեսանելով : Այլ զինչ իցէ զի 'ի համաշխարհի խաղաղութեան յարտասուս զաչա ձեր և 'ի վարանս տաղնապողական զճակատ տեսանիցեմ . զինչ իրք իցեն որ 'ի տիրութիւն զձեզ արկանիցեն , զի ահա աշխարհս խաղաղութեամբ պանծացեալ և յանդորրութեան , և զինչ պական 'ի խնամոցն արարտէր յիւրականն աշխարհ հայաստանեայց : Ահ , և յիրաւի էին արտասուք նոցա , զի ոչ զայսպիսի զվազանցուկ խաղաղութեանն վայելս խնդրէին նոքա հայաստանեայց . քանզի և մարթ իսկ էր գաւառակալ մահուն զբարերարացն բարձեալ զարն՝ միւսանգամ յաղջամուղջ խաւար տգիտութեան արկանել զաշխարհն . մարթ էր գառնադոյն ևս պատերազմ տգիտութեան տուեալ և անիմաստու

Թեան, զսակաւորեայ վայելիցն քաղցրութիւն 'ի գառնութիւն յեղանակել: Քանզի և անմոռաց յուշի ունէր Սահակ զհաւոր երազոյն տեսիլ, զորոյ զառաքաւորն թագնութեան մերկանայ առաջի աչաց նորա հրեշտակն Աստուծոյ 'ի վաղարշապատ, աստուածապատգամ բարբառովն նախաձայն ազգեալ նմա զթագաւորութեան և զքահաճայական ամթոռոցն միանգամայն կործան յերկիր անկանել: Վասն որոյ և ըզձալի էր նոցա 'ի վերայ աստուածապաշտ անդրդուելի կարգացն կայկայել զտունն Հայկայ, զի մի 'ի հողմոցն չարութեան և տգիտութեան տագնապեսցի:

Եւ ո՞ր ոչ գիտիցէ զի տանս Թորգոմայ յայնմ ժամանակի չէին հայրենի նշանագիրք, և պէտք չէ նէին նմա օտարոտի նշանագրովք պարսկականաւն և ասորականաւ վարել հանապաղ, որ հեռի է ամենեւին յիրաւանց ճշմարտութեան, և անպաշտաճ և խոչընդոտն մեծ՝ գպրութեանցն բարգաւաճելոյ: Ապա ուրեմն ոչ 'ի զուր արաստուեաց Մեսրոպայ ' և ոչ 'ի նանիր հաւեալ մաշեցաւ սիրտ նորա, 'ի տեսանէն զաշխարհս զերկ 'ի բնիկ նշանագրաց: Որպիսի՞ տագնապք աղեկէզ ցաւոց ոչ պաշարէին զսիրտն հայրենասէր, յորժամ տեսանէր զամենեսեան 'ի տաճարն Աստուծոյ դամարեալ, և նոքա որ 'ի Հայաստան ծնեալ և սնեալ, որքիք Հայկայ Ասորոց խաղաղուր և հելլենական ծեղաբանութեամբ զԱստուած ձայնէին, և զարբախօս տառան 'ի ձեռն առեալ յԱսորականէն յեղուին 'ի Հայ 'ի լսելիս ժողովրդեանն: Ո՛հ գառն էր այս յաչս երանելոյն, հոգացեալ տարածամ արամէր, տեսանելով զմանկանցն աշխարհին զառապանս, որք մաշէին զաւուրս կենաց իւրեանց 'ի գպրոցս ասորի գիտութեանց: Այնուհետեւ խորհուրդք խորհրդոց կալան զմիտս նորա, և վարանք տարակուսանաց կաշկանդելին զնա, սէր Աստուծոյ և ազգին 'ի նորորինակ քիրան և 'ի վաստակ յորդորամիտ զնա առնէին: Վասն որոյ և հաստատութեամբ գընէր 'ի մօտ հայկական նշանագրացն գիւտի ելանել 'ի խնդիր, ո՛հ, 'ի գործ տաժանակիր, բայց զիմրդ իշխիցեմ տաժանակիր և գժուարին զգործն տեսէ: յորժամ զամենահար ձեռնին Աստուծոյ տեսանիցեմ կարկառեալ զաջ օգնականութեան: Գայր ապա առ Սահակ փութապէս, և մերկանայր նմա զառաքաւոր խորհրդոց սրտին, բանայր նմա առաջի զայն ամենայն՝ որոյ վասն սիրտ նորա աղեկէզ տագնապէր: Համամիտ զնա և արտասուակցորդ և ջանիցն իւրոց տեսանէր սատարալլ 'ի զուր առ Վառապապուհ գիմեալ երթային, 'ի զուր զՎահրիճ զմեծ իշխան քաղաքէ 'ի քաղաք թափառեցուցանէին, 'ի զուր Դանիելի ասորոյ զհետ երթային, և 'ի Պղատոնէ գիւտս նշանագրաց խնդրէին: Աստուծոյ միայնոյ էր տալ զայն պարզ և զգերաշխարհիկն և զարգարե երկնաւոր: Վասն որոյ և ինքեանք յուսահատ 'ի մարգկեղէն ջանից՝ սիրալիւր հայցուածովք զերկնաւոր գժութեանն պաղատէին խնամս: Ապա այնուհետեւ ոչ

քրտունս արեան հոսեցին, և 'ի տագնապս և 'ի վարանս տարակուսանաց ոչ բմբռնեցան, ոչ մերթ յայտ և մերթ յայն գիւտն ընթացան, քանզի յամենաշնորհ ձեռնն ուսպատան եղէն ճարտարութիւն: Ինքն ամենակալն յերկնաւոր ամպոց զաստուածագիծ տառիցն պարգեւէր շնորհս 'ի լեառն Բալուայ որպէս երբեմն Մովսէսի 'ի Սինայ: Ո՛վ զարմանալեացս. հիանան միտք իմ ընդ նորահրաշ պատահումնս, և բազդի աշխարհիս արտասուօք տամ երանի: Բարէ, զինչ է զոր տեսանէն աչք իմ: Լռէ երկիր, ոչ ևս որոտալուր ձայնք լսին յերկնից: և նորս այս Մովսէս ելանէ 'ի լեառն ընդունել զպատգամս բարձրելոյն: ահա ամպ մի գամած պտտէ զերկնս, փայլատակէն եթելք. տեսարան ահաւոր: և անդ Մեսրոպայ 'ի ծունր իջեալ հառաչանս աղօթից 'ի վեր առաքէ, և ահա վեմ և թաթ աջոյ որ կնքեալ գրոյմէր զտառն 'ի վիմի: և ահա ամպն պարզի, գաղարին փայլատակունք՝ և անդ Մեսրոպայ միայն, որոյ առեալ զառտուածագիծ տառն և խնդութեամբ իջանէ 'ի լեռնէն: Խնդացէք այսուհետեւ որքիք արամեան, ուրախ լերուք, զի ոչ ևս պարսկական և ասորական օտարոտի լեզուք արեւոյցն 'ի վերայ ձեր, և 'ի վերայ արքունական գաւազանին: մի ևս այլ Մեսրոպայ ելանիցէ 'ի բեմ և այլալեզու գրոց լիցի ձեզ թարգման, ոչ ևս 'Աստուած՝ յօտար լեզուս յեկեղեցիս ձեր փառաւորեսցի, մի այլ պանծացին Պարսիկն, Ասորին և հելլեն սիգալով 'ի վերայ ձեր: օն անգր 'ի բաց լեր ո՛վ անարգ տգիտութիւն, երթ 'ի բաց զի թագաւորեսցէ 'ի մեզ հանձար և իմաստութիւն աստուածաղարդ փառք բարգաւաճեալ:

Ո՛ տայր ինձ լեզու՝ զՀայաստանէ այցն սրտից ցնծութիւն 'ի գէմս ասեւ: Ոմն խնդութեամբ ողջունէր զՍահակ և զՄեսրոպայ: ոմն զպարսկական տառից զմարգալութեայս ծուկնս ծուկնս արաւելալ ընդ օդս հանէր, գոչելով. գնա՛ 'ի բաց, չեն ինձ պէտք այսուհետեւ կարօտանալ ձեզ մինչդեռ կենդանի են հայրենի տառքն մեր: այլ ոմն զնշանագիրսն 'ի ձեռն առեալ համբուրէր, և զասորականն առ զոմն հարեալ ընդունէր: Եւ զի՞ մի մի թուիցեմ. աշխարհն ամենայն տօն ցնծութեան և հանդէս բերկրանաց յորինէր: — Սկսան այնուհետեւ յաշխարհին վարժարանաց 'ի գպրութիւն հայ գիտութեան յաճախութիւնք, անդ վարժէին քաջուշիմ և մտավարժ մանկունքն աշխարհին, և վաստակք և արգասիք քրտանց երանելեացն պայծառ փայլեցան 'ի նոսա: ամենեքեան 'ի թարգմանութիւնս գրոց պարապէին: ոմնեք առաքեցան յեղլապա, 'ի Բիւղանդիոն և ոմնեք յԱղեքսանդրիս, զկարեւորագոյն մատենիցն զթարգմանութիւն ածել բերել 'ի Հայաստան:

Տարագեմ ճանապարհ արարեալ հասին ուր ուրեմն 'ի քաղաքսն ուր գէմ եղեալ էր նոցա գնալ: և անդ զուսումնական հրահանգացն զնթոյսն կատարեալ, գարձ 'ի հայրենի աշխարհն առնէին

խնդրութեամբ, իրեն զգործաւոր մեղուս զարդիւնս իմաստից բարձեալ բերելով 'ի հայաստան :

Այլ ի՞նչ սիրտ աստէն կարեւոր հարեալ և ոչ յարտասուս լուծանիցի, յորժամ զաղէստ տարու կուսանաց երանելեացն լսիցէ, յոր անկան նոքա մինչդեռ խնդրութեամբ 'ի հայոց աշխարհն դառնային : Զխորդ տաքնապէին սիրտք նոցա, յորժամ զաշխուս միայն վարդապետացն տեսին, յորժամ լուսն զի կապտեաց յարեւէ անագորոյնն միտ զՎլադիմիրովս, զՍահակ և զՄեդրոսովս, յորժամ զորս ողջունել ցանկային՝ զահաւոր դամբանս նոցա միայն տեսանէին :

Բայց իմ առ ձեզ, ով հարբ հայրենեաց, արտասուս լից դարձցի բան, որ մտացս աչօք տեսի զձեզ տարագէմ բերկրալիցս 'ի հայրենեաց, և արք թըւիմ տեսանէլ . . . ով բաղդ աննուէր, որ ոչ խնայեաց 'ի ձեզ և ոչ 'ի հայաստան յեկեղեցի և յաշխարհ . և այդպէս անագորունութեամբ փոխանակ զպատուական և զարգասաբեր արտասուս յաչացդ ջնջելոյ, 'ի դառնագոյն երաշխեպս ցաւոց արկանէ զձեզ : Արդ թուիմ տեսանէլ զձեզ հուպառ գերեզմանն երթեալ վարդապետացդ կենդանի բարբառովդ և հեկեկալիւ արտասուօք զոսկերս նոցա համբուրելով զգիտրդն հարցանել կերպարանափոխութեան աշխարհիս . գիտել, իմանալ զպատճառս կործան անկանելոյ Արշակունեացն իշխանութեան և աթոռոյ մեծին Վառնապայոյ . . .

Այլ մի աղաչեմ զձեզ, մի զիրտք 'ի յուշ ածիցէք, զի մի ոսկերքն խաղաղաւէտք յալուց երկրի տացեն զարձագանդս արտասուացն՝ որովք 'ի կենդանութեան լացին զերկիրն հայրենի . մի գուցէ միւսանգամ ծերունազարդն այն պատուական գլուխ՝ յարտասուս յորդորիցի, որովք ոչ կաքաց ամոքել զխտութիւն սրտի տիրադրութեալ փարարացն, որք ոչ միայն զԱրտաշիւր 'ի գահոյիցն արկանէին, այլ և բարերարին հայրենեաց տուն փաւարին բանտի պատրաստէին . և որոց յիշատակն միայն ցաւոց՝ զամոլակցին նորա զՄեարով պայ կարճէր զաւուրս : Զշիրիմդ զայդ զոր տեսանէք, զգերեզմանդ զոր համբուրէք, ահ, երախտամուտ բարք ձերոց հայրենակցացն նոցա նիւթեցին, և փոխանակ քրտանցն և ջանից զայս պատրաստեցին պարգևս վշտաց : Հապա և՛ դուք ողջոյն մի սիրակաթ արտասուացող աչօք տուեալ շիրմացդ և աշխարհիդ, թօթափեցէք զփոշին յոսից յաշխարհ անդր, և միւսանգամ տարագէմ մեկնեցալուք 'ի վայրսն, ուր ոչ հեկեկալէք, այլ փառք պարծանաց միան ձեզ : Այլ բարե, զինչ ասեմ . զխորդ գժպհիս յականջն նոցա բարբառիմ . նոքա հարբեն հայրենեաց, դայեակք իմաստից . որդիքն թէ սարտուցեալ առ 'ի նոցանէ փախչիցին՝ խնամով երթան զհետ նոցա, գիրկս զնոքօք արկանեն, լան և վառտակեն միանգամայն, հառաչեն՝ և վասն աղգին ընդ քիրտն դան և ընդ ապստոյթ : Քանզի յԱւտուծոյ խրախուսեալք, և մարդոյ փոխարինացն չեն արժանաւորք . նա միայն տաքնապողական ա-

ղիտից սրտից նոցա լինէր մխիթար և սփոփանք, նովաւ խրախուսեցան, նովաւ սրտապնդեալ՝ և զօրացան քաջապէս, և սնդեցին զանձինս արութեամբ : Այո՛ թէպէտ մթադնեցան արեգակունքն լուսափայլք և մահն 'ի ծոց երկրի, այլ ոչ ամենին աշխարհն խաւարեցաւ, զի աստեղքն այնորիկ լուսափայլք՝ դարձեալ լուսաւորեցին ըզհայաստան . աստեղք արդարեւ լուսալիւրք և պարծառ ճառագայթք իմաստութեան արփենուոյն, Մովսէս, Մամբրէ, Անյաղթն Գաւիթ, Եղնիկ, Գիւտ, Յովհան, Եղիշէ, Ղազար և նմանիք սոցա, որ հայաստանեայց աշխարհի փառացն և պարծանաց լինէին պատճառք : Այս բոց և այս հուր անշէջ՝ ոչ միայն 'ի սիրտս նոցա, այլ և 'ի սիրտս պայազատաց սերնդոց նոցա վառեցաւ, այլ վառեցաւ և 'ի սիրտ Մխիթարայ անմահ բարերարին մերոյ, վառի արդ անշէջ և 'ի սիրտ նորոյս Մխիթարայ վնեմական Աստուածապատիւ Հօրս մերոյ, որ դահագլուխ բաղմեալ կայ պատկառելի ակմբիս 'ի խրախոյս և 'ի քաջալերս մեզ . բորբոքի դարձեալ 'ի սիրտս Վարդապետացդ, ո՛ր առաքինիք, զորս տեսանէք ժողովեալս աստանօր 'ի խրախոյս տկարութեան մերոցս ջանից . որոց զոգի 'ի բռն կալեալ և ջանիցն իւրեանց և վառտակոց առաջնորդ զերջանիկ գումար սրբոց Թարգմանչաց, խրախուսեն 'ի վաստակս վասն մեր և վասն հայրենեաց : Եւ արդ, Եղբարք, այդպիսեաց հարց անարժանք երեւցուք որդիք . օհ անդր . հապա ուրեմն և մեք զնոյն ոգի, զնոյն սեր ջանացուք վառել 'ի տկար լանջս մեր, բաբախեցին և սիրտք անշէջ սիրովն հայրենեաց, և օրինակ մեզ զՀորսն մեր առեալ մոցուք քաջապէս զինուորեալ ընդ խաչանիշ դօշու երանաշնորհ Թարգմանչաց . նոքա լիցին առաջնորդք մեր և վարժապետք : Վաստակք մի իւրիք վճատեցուցեն զմեզ, այլ զօրացին բազուկք մեր սնդեալ միով ոգւով և միով արութեամբ սրտի, մի լիցի մեզ մոռանալ խապառ զի օգուտ և փառք հայրենեաց զսոյն պատուիրեն մեզ անհրաժեշտ . լուիցուք ձայնի Մխիթարայ, և ընդ երջանիկ Վարդապետացն մերոց, եթէ և մեք յերկնատուր խաղաղութեանն վայելել կամիցիմք յարգասիս՝ գոչեսցուք սրտալիւր և յԱստուծոյ պաղատեն . ցուք տալ զիւրոց աթոռոց զգարանեալ իմաստութիւնն :

ՍԱՄ. ԳԱՆԹ.